



Davvi-Sámi vuovdebargit lupmui beassážiid

Meahciráđdehusa Davvi-Sámi vuovdebargoeatnamiin lea cuoŋománus jaskat. Vuovdebargit báhcet lupmui beassážiid áigge ja máhcet bargui válbora maŋŋá. Dát vuohki lea vuogas bargoadái ja vuovdebargiide.

Cuoŋománus lea eanemus muohta ja dat lea vuovdebargiide losimus áigi. Nuppe dáfus cuoŋománnu lea muttagis áigi luomuide, dalle leat čappa gidđadálkkit ja beaivvit leat juo guhkit. Gassa muohttaga áigge vuvddiid čuollan olmmošbargofámuin lea vaddáseamos.

- Dáinna vugiin mii seastit bargoadi goluid ja vuovdebargi goruda, Meahciráđdehusa vuovdedoallohoavda Pertti Heikkuri lohká.

Davvi-Sámi vuovdebargit leat bargan dálvegeainnuid duohken juovlamánu rájes. Cuoŋománus dálvegeainnut dipmet ja čuollamat heaittihuvvojit dáid guovlluin. Nuba cuoŋománnu lea dange dáfus vuogas áigi lupmui ja dat heive vuovdedoalu jahkegiervui.

Áigodatbargu heive bures vuovdebargiide

Vuovdebargit máhcet ”dálveluomus” válbora maŋŋá ja jotket vuovdečuollamiid geassemánnui. Dalle lea fas áigi dahkat vuovdedikšunbargguid, maidda servet maidái skuvllalaččat, veságilvinbarguide 2-3 vahku áigge.

Suoidnemánnu lea luopmománnu maidái vuovdedoalus, dalle bargoeatnamiin ii dáhpáhuva mihkkige.

Čuollamiid jotket fas borgemánus ja vuovdebargit dollet vahku luomu vel čakča-golggotmánus, goas sii leat earálágan luondduealáhusain, dego guolásteamin, meahcásteamin, murjemin dahje murremin.

- Davvi-Sámis vuvddiid čullet measta ollásit olmmošbargofámuin. Vuovdebargiid bargu lea fysalaččat lossat ja dát áigodagaide juohkin lea gávnnavuvvon buorre vuohkin manimuš jagiid áigge.

Vuovdebargit leat agoartabargit, nuba juohkehaš sáhtta váikkuhit bargotáktii ja –mearrái alccesis heivvoleamos vuogi mielde, Pertti Heikkuri muitala.

Lassidiedut:

Vuovdedoallohoavda **Pertti Heikkuri**, Meahciráđdehus. Tel. 0400 296 613